

на свои потреби меские дерева браты на будование домов и на дрова. Нижили мають мещане на своене потребности брати дерево около места на наших борех и лесех и дубровах и гаях, где здавна будут бирали, а в боярскихъ не мають брати, а еслибы которы боярын своєю доброю волею дозволил мещаном у своимъ лесу и борех, и дубровах, и гаях дерево браты, ино то ест в его воли. Также в которого полочанина захудал воск в Рызе и инде, а прыдет до Полоцка ино Полочаном взяты тот воск к себе в город и караты его Полочаном по своему праву, а нам ся в то не вступати. А Полочаном наших рек и озер не танти: хто потаит, мы их караты маем. А полочаны нам не дарытися никому. Также есмо и мы то им однустили по всей нашей державе и теж серебщицну однустили есмо вечно. А которое полочане межы себою побьются а за децким поеднаются, ино нам куница шерстию змирщины. Также коли посваратся полочане и выдадутся оба в котщце, ино то вина наша, а если один выдаст а други не выдастся, то есмо им однустили. А за закладную куницу браты по десеты грошей, а поборцу по два грошы, также децковано от рубля по чотыри грошы, а помильного по грошу. А владычному слуге и боярскому по томуж децкование. А воеводинным слугом тивунства городского не держати. А з тивуном по волосты Полоцкой не ездити. А тивуну городскому на наш двор по три грошы на ден. А на Черествете воеводинным слугам не судыи, судыти тивуну по старой пошлине. Также на Невли судыти не быти и по теи волости Полоцкой: судыти воеводе на городе. А также владыце на попех полоцких соборныя куница шерстию; а в пригон попом и игуменом, и владыце не ходыти; а церковные дома присмотрати старостом городским, а церковных земли владычным слугам не держати, а грывострыжцу по волости не ездыти, ани льну брати. Также нам господару давати воеводу нашего полочаном по их воли, а которы будет во-